

適園叢書

張宗祥



通國書

張其成



建炎以來朝野雜記卷十一

乙集

宋李心傳撰

故事

親筆與御筆內批不同

本朝御筆御製皆非必人主親御翰墨也祖宗時禁中處分
事付外者謂之內批崇觀後謂之御筆其後或以內夫人代
之近世所謂御寶批者或上批或內省夫人代批皆用御寶
又有所謂親筆者則上親書押字不必用寶至於御製文字
亦或命近臣視草焉若神宗祭狄青文中丞滕達道所作也
實錄誤以高宗追廢王安石配享詔舍人胡明仲所作也
爲親製講跋此詔所謂荆舒禍本可不懲乎亦誤爲親製也
光宗撰壽皇聖政錄序祕監陳君

舉所作也此文見致堂止齋集中但人不知爾

選人不十年入相

陳勉之丙辰年自南昌丞除太學錄癸亥春拜右揆自選人
不十年入相本朝所有獨范覺民與勉之而已覺民六年勉
之八年

將相四十以下建節者

將相四十以下建節者李君錫顯忠年三十岳鵬舉飛三十二

楊正甫存三十五張魏公浚三十六吳寶臣摠三十七吳唐

卿璘三十八吳晉卿玠三十九韓良臣忠及吳曦皆年四十

使相以上封國例

故事使相以上封國公者先小國經恩升次國又經恩升大

國若孝宗初政張忠獻以特進國公拜少傅江淮宣撫使封魏國公官爵皆進二等蓋殊命也近歲史丞相以敕局進書恩自永國徑封魯國公亦異數

中興異姓七王異

中興異姓七王自張俊始先是韓世忠以咸安郡王奉朝請其沒也追封通義郡王而已久之俊死有司奏如前例上謂其有和戎功與世忠相去萬萬遂特封循王乾道初楊存中死追封蘄春郡王其家意不滿又封和王明年吳璘死以爲熟例追封信王世忠之子彥古令統制官張青頌其父功乞追贈孝宗難之宰相陳應求曰張俊楊存中已封王則於世忠似有不足前此失於無人建請若聖意行之亦足以勸有

功而厲將士遂封蘄王紹熙初吳拱爲騎帥始訴父玠有保
蜀功而爵不稱乃封涪王開禧用兵韓侂胄欲風厲諸將因
劉光世之孫伯震有請封光世鄜王旣而又封岳鵬舉爲鄂
王中興諸將至是畢爲王矣

后家封王者

祖宗以來后家封王者自元豐閒曹氏始時官制初行曹濟
陽自中書令改開府儀同三司神宗以爲慊於志故以異姓
王易之也其後高氏不得封向氏二王

宗同
宗良

鄭氏一王

紳

至

中興後后家得封者吳氏二王孟氏章氏郭氏韓氏楊氏一
王然曹向吳韋郭皆以元舅鄭以后父封獨孟信安以帝外
兄韓平原以中宮曾季祖皆異禮也近楊永陽以后兄得封

亦異數

中興以來后家建節者

自建隆以來母后中宮之家建節者極少如杜審進曹佾皆
晚歲始得之宣仁垂簾十年高公繪止爲承宣使符觀後乃
有向宗回兄弟鄭紳父子中興七十年后家建節者凡二十
有二人吳氏七人益蓋琚環韓氏四人侂冑邈韋氏四人淵
斑璿珪邢氏李氏各二人邢煥孝揚李孟氏鄭氏郭氏夏氏謝氏
樸楊氏各一人忠厚藻師禹
執中淵次山

建炎迄嘉定中臺司不至兩地者十一人

建炎至嘉定除御史中丞凡四十人自顏夷仲至今章達之
率皆柄用其中閒不至兩地者十有一人而已然或以久病

辛柄
姚愈

或以論事失指

蔣世珍謝國昌

或與宰輔不合

王賓周祕常同廖剛

或以

告訐

句龍行父

或以敗事

鄧伯允

皆因有故而去其以常伯善罷者

惟羅龍學

汝

一人若詹端明

大

者雖以工部尙書出臺而旋

入密府云

近臣舉察官事始

紹興癸丑右相朱藏一以內艱去位高宗手札賜學士沈必

先綦處厚以三院御史阿附時宰令二人共舉察官於是以

李元叔

長民

應詔元叔嘗爲校書郎奉祠去久之通判漳州遂

召還爲監察御史而曾任鄭三御史皆罷此中興後近臣舉

察官之始也

御史臺彈奏格

御史臺彈奏格舊無有。淳熙初，柴叔懷_瑾爲殿中侍御史，奏言：「本臺覺察彈劾事件，前後累降指揮，經今歲久，名件數多，文辭繁冗，又有止存事目，別無可考。恐奉行致有牴牾，乞下敕令所逐一刪脩成法，各隨事宜以六察所掌分門別類，繳申朝廷取旨降下。本臺遵守，仍令刑部鑲板頒降中外。單夔時以戶部侍郎兼敕局詳定，被旨編寫成冊，送臺審覆會謝。廓然新除殿中侍御史，與其寮審覆凡三百五條具奏，乞以彈奏格爲名行下，從之。」四年七月丙午也。紹熙元年二月，劉德修爲御史，又摘其有關於中外臣寮握兵將帥后戚內侍與夫禮樂訛雜風俗奢僭之事，凡二十餘條以奏，乞付下報行，令知謹恪上從之。

任子賜出身

祖宗以來兩制二史必以進士登科人爲之其後有以才選

者例賜進士出身雖徐師川呂居仁亦然重科目也乾道初

王嘉叟

相

爲左司員外郎會右史胡元質

長文

在告上命嘉叟

權右史仍攝西掖執政言嘉叟無出身上曰時暫無傷也其

後韓无咎

元吉

爲左司郎中而舍人林景度

機

出迂北客上復

命无咎无咎以門廕入仕辭不許時王能甫

之奇

爲兵部侍郎

張南軒爲左司員外郎繼除侍講亦不賜出身用呂元明吳

傳正例也已而有爲上言南軒譏能甫不學不當在講筵者

上怒南軒俄以事去未幾蘇季真

嶠

除左史遂復賜出身余

謂得人如无咎欽夫豈當復以任子登科爲閒雖不必守祖

宗之舊可也是時有右文林郎王天覺者知貞符縣代還以聚斂擊刺之術因左右以見其所獻之書有云人才可用不必限有無資格出身如擢王炎炎誠可用不必賜出身賜出身則猶有所拘也其迎合類此旣而改京秩除樞密院編修官兼檢討文字俄爲副端徐彥才所論遂逐去議者快之

言官詞臣論宗室入館人數差誤

本朝宗室入館者五人自乾道五年趙忠定始其後趙從道侍郎趙大本舍人皆嘗爲之開禧末趙汝談除正字言者論列以爲中興後宗室入館者纔二人汝愚以大魁彥中以詞科然後得之而不及從道蓋失於考詳也從道名師訓安定郡王令璽孫紹興甲戌歲登科乾道壬辰冬始以近臣薦召

爲太常寺主簿明年夏除祕書郎未兩月遷起居舍人其冬
權工部侍郎甲午秋引疾丐祠除敷文閣待制履歷如此言
路乃不知何也嘉定之初趙履常崇憲入館蔡行之當制亦云
中興後宗室入館者凡三人亦誤矣

學士舍人當兄弟除官制不應避

紹興初王剛中爲中書舍人其弟居修除太常丞引嫌乞改
命官草制自是爲例余嘗以故事考之學士舍人當兄弟除
官制皆不應避錢惟演使相麻其從兄希白所草也曾子宣
右僕射麻其弟子開所草也若謂一時宣鎖亶爲異數則元
豐官制初行子開除吏部郎中子固時爲中書舍人行詞亦
不避考南豐類藁而可見也不知引避起自何時

館職不入局故事

楊傑子寬和王存中長子也其父久掌殿嚴既補以京秩紹興二十四年又奏乞令與其弟倓子靖並特赴殿試高宗勉從之蓋是年秦埴爲南省舉頭故效之也二十七年正月傑除少蓬士論甚駭既供職館閣之士不入局者三日時唐立夫爲祕書郎黃通老王時亨爲著作佐郎季元衡陳文仲爲校書郎胡周伯張安國林少穎汪明遠葉伯益爲正字大抵多名人也朝廷聞知亟徙傑宗正少卿而以劉文孺代之物論乃息傑後遷工部侍郎倓淳熙中執政

檢驗格目

檢驗格目者淳熙初鄭興裔所創也始時檢驗之法甚備其

後郡縣玩弛或不卽委官或所委官不卽至卽至亦不親視甚則以不堪檢覆告由是吏姦得肆冤枉不明獄訟滋熾興裔爲浙西提點刑獄乃創爲格目排立字號分畀屬縣遇有告殺人者卽以格目三本付所委官凡告人及所委官屬行吏姓名受狀承牒及到檢所時日廨舍去檢所近遠傷損痕數致命因依悉書填之一申所屬州縣一付被害之家一申本司又言於朝乞下刑部鑲板頒之諸路提刑司準此從之遂著爲令元年五月十七日也興裔其先平陽人後徙開封曾祖紳以后父貴宣和末爲太師平樂郡王諡僖靖祖翼寧海軍節度使諡榮恭世父藻事高宗久在上閭再爲大使官至使相封榮國公諡端靖興裔初名興宗早以后澤人官乾

道中爲江東兵馬鈐轄嘗論建康都統及馬軍行司擇帥未
善孝宗聽之會復武臣提刑擢使閩部移浙東又移浙西再
使金因避金諱改賜今名淳熙初除樞密院副都承旨在職
十年歷知廬揚明州皆有政績慶元五年告老轉武泰軍節
度使致仕卒諡忠肅子挺嘗以黃州團練使歷帥淮襄兩道
損抗皆有位於朝而損登進士甲科蓋世族中所未有

宣相詔使稱謂不典

元樞呼樞使自張俊始諸州倅呼府判自陸寘始皆見於會
要日歷舊制密院官亦止以樞密爲稱紹興中張俊爲使其
親吏以倂父名密請於朝有旨呼樞使自是爲例宣和中陸
寘以宦者王通薦通守四明避其名更稱府判紹興初稍稍

行於浙路今遂爲天下通稱不可易矣宣撫使呼宣相自童
貫始近安子文爲四川宣撫副使得旨恩數視執政士大夫
鄙俗者亦稱宣相蓋務爲崇重而不考其始焉近歲詔客例
呼爲詔使余在成都見錢伯周丞相與制帥楊端明手書亦
然按朱忠靖閒居錄宣和閒大闢李彥按行京西始呼詔使
蓋唐敕使之稱今以稱士大夫誤矣

莫粹中轉官最速

近歲轉官最速者莫舍人粹中子純慶元二年進士是歲七
月補承事郎而嘉泰三年階官已爲中大夫出身凡七考其
轉十六官通爲五十八年磨勘其閒限員之日月不與焉

若任

子細轉則爲
七十年磨勘

是歲明堂請任子吏部以庶官入仕未及十五

年格不下蓋宣和閒嘗立此法自中興以來未之有也陳勉之以慶元二年六月改官至開禧三年遷特進實歷十二考其轉二十四官自其執政後無序遷法姑以侍從年勞計之凡用一百二十四年磨勘亦宰輔中所未有

若任子細轉則爲一百三十五年

宰執贈官例

故事侍從亡歿皆贈四官執政五官樞密使六官宰相七官若特進以上一官而已嘉泰末周益公以少傅贈太師蓋異數也嘉定以後錢伯周樓大防宇文挺臣張肖翁之徒皆例贈公少過乎厚矣費戒甫嘗爲執政官至諫議大夫乃止以銀青光祿大夫告第實贈四官是又少殺矣按祖宗之時而